

Broj: 10-14-7- 392/18  
Sarajevo, 18.01.2018. godine

## O B A V I J E S T

### obveznicima podnošenja izvještaja o funkcionisanju sistema finansijskog upravljanja i kontrole za 2017. godinu

Zakonom o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije BiH“ broj 38/16,u daljem tekstu: Zakon o FUK) utvrđeni su obveznici podnošenja Godišnjeg izvještaja o funkcionisanju sistema finansijskog upravljanja i kontrole (u daljem tekstu: GI FUK) i Konsolidovanog izvještaja o funkcionisanju sistema finansijskog upravljanja i kontrole (KI FUK).

Pravilnikom o provođenju finansijskog upravljanja i kontrole u javnom sektoru u Federaciji Bosne i Hercegovine („Službene novine Federacije BiH“ broj 06/17) precizirani su način izvještavanja, rokovi i obrasci GI FUK i KI FUK (prilozi 1. i 2.).

#### **1. Godišnji izvještaj o funkcionisanju sistema finansijskog upravljanja i kontrole – GI FUK**

GI FUK predstavlja izvještaj korisnika javnih sredstava iz člana 14. stav (1) Zakona o FUK o stanju sistema finansijskog upravljanja i kontrole za prethodnu godinu koji se podnosi na propisanom obrascu, a sadrži opće podatke o organizaciji i popunjen upitnik za samoprocjenu sistema finansijskog upravljanja i kontrole.

Korisnici iz člana 14. stav (1) Zakona o FUK u obavezi su izraditi GI FUK za 2017. godinu i isti dostaviti na sljedeći način:

- a) **federalni korisnici javnih sredstava prvog nivoa** GI FUK dostavljaju CHJ FMF do 28. februara 2018. godine;
- b) **kantonalni korisnici javnih sredstava prvog nivoa i jedinice lokalne samouprave sa statusom grada** GI FUK dostavljaju nadležnom kantonalnom ministarstvu finansija do 28. februara 2018. godine;
- c) **federalne vanbudžetske organizacije** GI FUK dostavljaju CHJ FMF do 28. februara 2018. godine;
- d) **kantonalne vanbudžetske organizacije** GI FUK dostavljaju nadležnom kantonalnom ministarstvu finansija do 28. februara 2018. godine;
- e) **pravna lica u kojima Federacija ima većinski vlasnički udio** dostavljaju do 31. januara 2018. godine resornom federalnom ministarstvu svoj GI FUK za 2017. godinu koji postaje sastavni dio GI FUK resornog federalnog ministarstva, a koji resorno federalno ministarstvo podnosi na način utvrđen tačkom a) ovog člana;
- f) **pravna lica u kojima kanton ima većinski vlasnički udio** dostavljaju do 31. januara 2018. godine resornom kantonalnom ministarstvu svoj GI FUK za 2017. godinu, koji postaje sastavni dio GI FUK resornog kantonalnog ministarstva, a koji resorno kantonalno ministarstvo podnosi na način utvrđen tačkom b) ovog člana.

## **2. Konsolidovani izvještaj o funkcionisanju sistema finansijskog upravljanja i kontrole kantona– KI FUK**

Izuzetno od stava (3) ovog člana, kantonalna ministarstva finansija godišnje podatke o funkcionisanju sistema FUK za svoja ministarstva dostavit će u sklopu Konsolidovanog izvještaja o funkcionisanju sistema (KI FUK) za kanton, koji predstavlja objedinjeni izvještaj o funkcionisanju sistema FUK na nivou kantona i sadrži najznačajnije informacije iz oblasti FUK u javnom sektoru u kantonu u prethodnoj godini.

Kantonalno ministarstvo finansija konsoliduje godišnje izvještaje o funkcionisanju sistema FUK za kanton za 2017. godinu na propisanom obrascu datom u prilogu 2. Pravilnika o FUK i dostavlja CHJ FMF do 31. marta 2018.godine.

Na osnovu dostavljenih podataka, Centralna harmonizacijska jedinica Federalnog ministarstva finansija-financija izradit će Godišnji konsolidovani izvještaj o funkcionisanju sistema FUK u javnom sektoru u Federaciji za 2017. godinu i putem federalne ministricе financija-finansija dostaviti Vladi Federacije BiH radi razmatranja i usvajanja.

GI FUK i KI FUK potrebno je popuniti na propisanim obrascima koji se nalaze u prilogu Pravilnika o provođenju finansijskog upravljanja i kontrole u javnom sektoru u FBiH (Prilog 1. i Prilog 2.), koji se mogu preuzeti u elektronskoj verziji na web stranici Federalnog ministarstva finansija-financija [www.fmf.gov.ba](http://www.fmf.gov.ba) (Obrazac GI-FUK, Obrazac KI-FUK).

Obveznici iz tač. b), d), e) i f) popunjene i potpisane izvještaje GI FUK za 2017. godinu dostavljaju putem pošte nadležnom ministarstvu.

Obveznici iz tač. a), c) i kantonalna ministarstva finansija popunjene i potpisane izvještaje za 2017. godinu dostavljaju putem pošte Federalnom ministarstvu financija-finansija, Centralna harmonizacijska jedinica, ul. Mehmeda Spahe broj 5, 71 000 Sarajevo, kao i na e-mail: [fatima.obhodjas@fmf.gov.ba](mailto:fatima.obhodjas@fmf.gov.ba).



**MINISTRICA**

**Jeika Milićević**